

Language: Nyambo

Book: Titus

Titus

Chapter 1

¹ Paulo, Omukozi wa katonda kandi entumwa ya yesu kiristo, Omumwesigo gwendondwa za katonda namagezi gamazima agali omukwehongera katonda. ² bhali omukusubhjira obhurora obhutawhwaho abhi, katonda atabheiha bhisubha akabhuraganaira. ³ Omumwanyagwe, akachisurula echigamboche kulabhila omubhigambo bhye ibhiyampeile nyawe kubhi rangilila. nkakorantyo aharumuhango gwa Katonda omurokozi weitu. ⁴ Owatito omwana wamazima omumwesigo gweitu omwana wamazima. Echisa, okuganyira nimilembe kuruga owa Katonda Taata, hamo na yesu kiristo murokozi weitu. ⁵ aharwechi nkakusiga Krete, kokora ebhintu bhyona ebhyabheire bhitakahweire nukutaho abhagurusi bhekanisa bhuli chigo okunkuragile. ⁶ Omugurusi wekanisa atagiramu karogomo, omusaija wumukaziomo, abhe yeine abhana abheine obhwesigwa abhatakujulirwa bhibhi anga abhataine makune. ⁷ Chiseine omulebhelezi, nkakwemelelela enju ya katonda, atagiramu karogomo. Atabha muntu wa echiniga, atabha musinzi, atabha muntu wokurwanisa, atagira meiru. ⁸ Chiseine, abhe omuntu wukunyegeza, akwenda obhurungi. Chiseine agire amagezi garungi, alikwera, akwesiga katonda, akwetwara. ⁹ Asobhora kwemelelela ebhyeyeso bhyamazima ebyegeiswe asobhore kubha echihika omubyeyeso bhirungi kandi asobhora kuhindura bhona abhakumuhakanisa. ¹⁰ kubha alimu abhakuhindukana bhengi, nangu bhalinya abhasazire. Ebhigambo byabho nibhyabufera. mbabheiya kandi mbatwara abhantu omubhuhabhe. ¹¹ chisene kubhatanga abhantu nkabho. mbegesa birinya ebhitaseine kwegeswa omumagobha gensoni nukwita amaka gona. ¹² omo omuryabo, eyeine amagezi, akagamba, "Abhakrete bheine ebhisubha ebhiteine nzindo, nibhabhi nebhinnyameiswa byokutinisa, abhanafu nabhene omururu". ¹³ Ebhiobhororo ebhi nibhyamazima, chityo obhatangise amani bhabhase gugamba amazima omumwesigo. ¹⁴ iwe otetasya mumigani etari ya amazima eyabha Yuda anga emihango yabhantu, abhali kusubhya enyuma amazima. ¹⁵ Ahali bhona abhalige ebhintu bhyona bhilige. chonka bhona abhahageire nabhatalikwesiga, tariho chirige. orukubha ebhitekelezo bhyabho bhihageizwe. ¹⁶ Mbeikiliza kumanya katonda, chonka omubhikorwa bhyabo mbamwetonga. bonene nabhafakale nabhatagambirwa kuhurira. tibhateirweho achikorwa chirungi chonachona.

Chapter 2

¹ chonka neiwe ogambe ebhiragiro ebhikukusana nibhiragiro bhyamazima. ² abhagurusi bhebhalile, amakune, amagezi, omwesigo ogurungi, omungonzi, numukwegumisiliza. ³ Abhakeikuru nabho cheseine bheyereke okubhjakwekunila, bhatabha bhakusiganganayo/ kugambisibhwa. kandi bhatabha beiru bha marwa. ⁴ bhaseine kwegesa ebhirungi bhabhone kutekatekera abheisiki amagezi bhabhase kwenda bhaseija bhabho hamo na bhana bhabho. ⁵ bhaseine kubhegesa kugira amagezi, bhasemele, bhakwatege amajugabho bhakunile bhaseija bhabho. bhaseine kukora ebhyo echigambo cha katonda chitajumwa. ⁶ Omungelyejo, mubhatemu echihika abhasigazi bhagire amagezi. ⁷ Omumihanda yona mubhe echukurebherwaho omumilimo mirungi; kimurabha nimwegesa, omukwesiga hamo namakune. ⁸ mugambe ebhigambo ebhirige ebhiteinemu katokozi, wenawena, akuhakana agorwe kubha teine chibhi chukutugambaho. ⁹ Abheiru bhakunile bhakama bhabho ahari bhuli chintu. Bhaseine kubha semeleza ti kubhahakanisa. ¹⁰ Tibhaseine kwibha. sana bhasaine kweleka omwesigo gwona gurungi omumihanda yabho yona bhasemeze ebhyegeso bhyeitu ebhikugamba ahali Katonda omurokozi weitu. ¹¹ kubha echisa cha katonda chizokile ahabhantu bhona. ¹² mbitwegesa kwanga ebhintu ebhitali bya Katonda na amairugensi. Netwegesa kukola, namagezi obhugororoki, omumihanda ya Katonda omumwanya ogu. ¹³ obhutulinzire kuhebha esubhi yumugisa okulebwa kwichitinisa cha katonda weitu mukwu numurokozi weitu Yesu kiristo. ¹⁴ Yesu akayeihayo aharweitwe abhase kuturokola kuruga omuntambara nukutweza, aharwawenene, abhantu abhatekatekirwe abhene echihika kukora emilimo mirungi. ¹⁵ Oyambe osubhe okomekeleze ebhintu ebhi ohanenubhusobhora bhwona. Atabhaho muntu wenawena wokukugaya.

Chapter 3

¹ Obheijuche kukunira abhebbhembezi, nabhatwazi, kubhakunira nukwikiliza kukora emilimo emirungi. ² Obheichuche bhatakorela muntu wenawena obhubhi, bhatagira kuhororangana bhahe abhantu abhandi omwanya gukuramula, nukwereka okwetonda ahabhantu bhona. ³ Neitwe tukabha twine ebhitekelezo bhihabhire kandi twine ikuru. tukabha tuli omubhuhabhe nukukorwa abhari bhubhohe omumeiru geingi namalili. tukeikola omwibhubha nubhufakale. Tukatamisangane nukutamwangana. ⁴ chonka okuganyira kwa kutonda murokozi weitu nengonzize ahabhantu obhuzazokile, ⁵ bhikabha bhitribhikorwa bhyeitu bhyubhugororoki, sana akaturokora aharwichisache. Akaturokora aharwichisache. Akaturokola natwoja omukuzarwa bhusya nukutukora bhusya omumwoyo alikwela. ⁶ Katonda akasesa omumwoyo alikwela ahaguru yeitu kurabhila omuli Yesu Kiristo. ⁷ Akakorati kiturabha tubhalilwe obhugororoki omuchisache, tubhe bhamo omubhumo bhuhurora bhutahwaho. ⁸ Aga namakuru gamazima. Ninyenda mubhigambe mutakutina ebhintu ebhi, bhalinya abhakwesiga Katonda bhagile ebhitekelezo amulimo gurungi ogu yateire omumaios yabho. ebhintu ebhi nibhirungi kandi bhine omugaso Omubhantu bhona. ⁹ chonka mutaja kuhakanira obhufera, oruzaro, empaka nendwano aha mihango. Ebhigambo ebhitibhina mugaso anga nsonga. ¹⁰ Mwange wenawena akwenda kubha terana omulimwe. Karamara kuhanwa rumo anga kabhiri. ¹¹ Mumanye omuntu wengeli ejo alekile omuhanda gwamazima nakora ebhibhi kandi nayeramula. ¹² kindakutwekela, Artemi anga Tikiko, yanguha weije owange bhwangu Nikopoli ahindamwile kwikara omumbeho. ¹³ Yanguha otweke Zena alikumanya emihango hamo na Aporo obhuta bhurwa chintu chonachona. ¹⁴ Abhantu bheitu nabho bhasene bhege kukora emilimo mirungi ekukora ahabhetago bhyabho ebhibhasasire bhateija bhakabha abhatakuzara bhirabha. ¹⁵ Bhonaabhali hamo nanye nibhacusura, nsulila bhona abhali kutuenda omumwesigo. Echisa chibheneimwe mwena.
